

D-563

فلسفه و اجتماعيات

مجموعه سمي

مؤسس

آلاه سري

آيده بر نشر اولونور

مدبري

محمد شروت

استقلال و قباطاش ليسه سمي فلسفه و اجتماعيات
و تياروت مکتبي اقتصاد معلمي

استقلال ليسه سمي مدبري و استانبول اوکک
و استقلال ليسه سمي ادبيات معلمي

بر صابره

- تربيسي قسم : سوفراط اورخانه سهرالديه
تورك تاريخنه باشلانغيج محي الدين
دني اجتماعيات علمي ضيا
قانونلر تحاول آيده بيليرمي ؟ (بو و انقاره دن) م . الرهامي
ديوان ادبياتي : تصنع آلاه سري
خارجي ادراك هانمي منج
اجتماعي سناتيک (« لسته روارد دن ») زهت شروت
اسکي يونانستانده اجتماعي فکدرلر اسماعيل ضرر
نظيقي قسم : تحرير نفوس و اجتماعيات قامليل زاقار
بژده فکدر جريانلري علمي ضيا
تحليل و تنقيد قسمي : ضيات ترجمه سمي : شاذيه برين در . ا . س .
دوقارت ترجمه سمي : ابراهيم ادهم بن مسعود ص . ف

اداره خانه : استانبول - سرزاده باشي - استقلال ليسه سمي داخنده دائره مخصوصه
استانبول - مطبعة ابوالضيا

دینی اجتماعیات

برنجی درس

موضوع — دین، بر اجتماعی مؤسسہ در. طبقی اقتصاد کی، حقوق کی دینی قیمتلرده طبیعتدن ویا برفردك تصورندن دوغمش اولمایوب، معشریدرلر. یعنی فردلرک آرالزنده کی مشترک ایشله یش و دوشونوش طرزلرینک معین برتظاهرندن عبارتدرلر.

منزوی بر انسانک قافاسنده فوق الطبعی واللہ فکری دوغامیه جنی کی، بوفکرلری انسانه طبیعت و خارجی عالمده الهام ایتمز. شو حالده ناصیل بر اقتصادی و بر حقوقی اجتماعیات وارسه، عینیه برده دینی اجتماعیات واردر.

دینی اجتماعیاتک موضوعی — اول امرده — حقوقی، اخلاقی، الخ .. قیمتلرندن آریلش اولان دینی قیمتلردر. دینی قیمتلرک وصف ممیزی، مقدس برعالمه ایماندر. بوگونک جمعیتنده بر آدام اخلاقی ویا عادل اولمادن دیندار اولایلیر. نتکیم، هر هانکی بر فعل کوزهل ویا دوغرو اولمادن ای اولایلیدیکی کی .. دیمک که اجتماعیاتک بوبخنی، دیکرلرندن آری اولارق یالکز دین مؤسسہ سنی و دینی قیمتلری تدقیق ایدر.

آنجاک، اجتماعی شأنتیک بر پارچه سی اولوق اعتباریله دینده تحاول و تکامل ایدر. اونى، تاریخک هر دوره سنده عینی ماهیت وشکلده کورمه یزه. بناءً علیه دینی اجتماعیاتک ایکنجی موضوعی، بو مؤسسہ نیک کچیردیکی استحاله لری تدقیق ایتمک در.

نهایت، حیاتیانده اولدیغی کی جمعیتنده بو استحاله لر، تصادفی و کیفی اولمایوب بر نظامه تابعدر. بو نظام بزه ده کیشمکده اولان هر حادثه نیک مبدائی، اک بسیطی واک ابتدائیسنى آرامق تمایلنى ویرر. بو صورتله، دینی اجتماعیاتک او چونجی موضوعی بوزجه معلوم اولان اک ابتدائی شکلدن دیکرلرینک ناصیل چیقدیغنی ایضاح ایتمکدر.

بالخاصه بوصفك تحریات ، دینی اجتماعیاته دیگر بحثلردن دها مهم بر موقع آیر مامزی موجب اولدی :

اك ابتدائينك تدقیقی بزه کوستردیکه ؛ بوکون یکدیگرنندن - تماماً - آیریش کورونن قیمتله ، باشلانغجده هنوز قاریشیق و ممزوج بر حالده ایدی . مبدأنده اجتماعی حیات ، یالکزجه «دینی» وصفی حائزدر . دیگر بوتون مؤسسهر ، بالاخره دینی مؤسسهدن آیریش و دوغمشدر . دین هیچ بر زمان یالکز هر هانکی بر مؤسسها و ملقله قالمش ، بلکه اجتماعی حیاتک بالذات رمزی و افاده سی اولمشدر .

خلاصه دینی اجتماعیات ، قسماً ، بزه دیگر مؤسسهرک ظهور و تگون صورتلرینی کوستردیکی اچون - عینی زمانده - «تکونی اجتماعیات» در .

اجتماعیات دینه بر قیمت دکل ، بر شائیت نظریله باقار . اوکا کوره اک ابتدائی و بزم اچون کولونج کورونن اعتقادلره ، اک عمومی اولان و اچمزده یاشایان دینلرک ماهیت اعتباریله هیچ بر فرق یوقدر . حالبوکه فلسفه سیسته ملری انفسی بر اصول قوللاندق لری اچون ، اچمزده یاشایان و بزم اچون مفکوره اولان قیمتله خارجی برشی نظریله باقمازلر ؛ مثلاً (اویقن) بر طرزده تماماً فلسفی و مفکوروی بر دین تکلیف ایدیوردی . اوکوست قوت باشقه بر مبدأدن حرکت ایدهرک « بشریت دینی » نی وضع ایتمک ایسته مشدی . اجتماعیات بوتون بوتاملری ، بر متفکرک ، « تحقیقی ایسته دینی » مفکوروی جمعیت تصویری اولارق کورور .

تعریف — اجتماعی بر حادثه اولق اعتباریله دینی تعریف ایده بیلمک اچون ، اولجه مختلف نقطه نظرلردن یاسلمش اولان تعریفلری تدقیق ایتمک لازمدر :

۱ — دیندارک آکلادینی دینی بر طرفه بر اقاچق اولورسه ق ، آفاق بر کوروشله یاپیلان لرک باشنده « مافوق الطبیعی » ایله تعریف کلیر . بو نقطه نظرده کوره ، دین ده نجه ذهنمزک شمولنی آشان بوتون اشیا مجموعی آکلایشیلیر . بو عالمک فوقنده اولان ، مشاهده و تجربه ساحه سنه داخل اولمایان هرشی دینه عائددر . مافوق الطبیعی اسرار ، لایفهم ولایدرك عالمیدر . دین بو تقدیرده علم خارجنده کی بر معاقله شکلیدر (هر برت سپنسر و ماقس موللهر) . دینک موضوعی مطلق و نامتناهی در . حالبوکه علم آنجا قاضافی و متناهی اولانی طانیابیلیر . شو حالده دین و ایمان علمک ضدیدر (هامیلتون) . فقط بو تعریف ، کورولبورکه ، دینی یالکز یوکسک شکلرینه حصر ایتمکده در . چونکه ابتدائی دینلرده طبیعی ، مافوق الطبیعی دن آیریلما مشدر . بوندن ماعدا یوکسک دینلرک برشکللی اولان وحدت وجود (panthéisme) دهده مافوق الطبیعی یوقدر .

۲ — بونقصانی اتمام اچون یاپیلان ایکنجی ، تعریف ، « طبیعت » ه مستنددر .

اوکا کوره دین ، طبیعتک سری بر طرز تفسیری در وطیعتک ایچنده مندجدر . بو تعریف متکامل دینلر قادار ، ابتدائی اولانلری ده ساحه سی داخلنه آلیر .

شوقادار وارکه ؛ حواسمز واسطه سیله طبیعتدن آلدیغمز انطباعر متحول وتصادفی در : بونک سری تفسیری ده تصادفک تمثالی اولان کیفی اراده لی متعدد قوتلر اولابیلیر . حالبوکه عقلی دینلرده معبود کنندی قانونی بوزاماز .
ثانیاً — برچوق دینلرده طبیعت صوکرادن یارادیلش اولوب ، معبود اونک خارجنده وفوقنده در .

۳ — دینی ، بوتون نوعلرنده مشترک اولان اکعمومی بروصفله تعریف ایده بیلمک ایچون معبود والله فکرینه مراجعت ایده نلر اولدی . فی الحقیقه بو ، همان بوتون دینلرک صاحب اولدقلری برمبداء در .

آنجاچ اولا — ابتدائی دینلرده هیچ بر خالق و معبود صفتنی حائز اولمایان « توتهم » لرله ، اولو روحلری بو تعریفدن خارج قالیر . ثانیاً — الله فکرنه مالک اولمایان متکامل دینلر واردر : بودیزمده معبود یوقدر . غایه « عدم » (Nihil) یعنی آرزونک ازاله سی در . عینی صورتله هندک ژائینیزم دینی ده الله سزدر . بودین سالکلری خالق طانیازلر و عالمک ازلی اولدیغنه قاعدلرلر . ثالثاً — برچوق معبود سز آیین و منسکلر (rituel) اولدیغنی کبی ، کندیسندن معبودلرک دوغدیغنی آیینلرده واردر . شو حالده الله فکریله دینی تعریف ایتک قابل دکلدر .

۴ — بوتون بو صایدقلریمزک نقصانلرینی کوردکدن صوکرا ، — اجتماعیات لسانیه — دینی تعریف ایده بیلمک ایچون ، هر دینی حادثه نک احتوا ایتدیکی رکنلری تدقیق ایتک ایجاب ایدر .

بر دینی حادثه نک ایکی اساسلی رکنی واردر : اعتقاد ، منسک . برنجیسی تصویری وفکری در ؛ ایننجیسی معین حرکت طرز لریدر . بو ایکی صنف آراسنده فکر و فعل فرقی و مناسبتی واردر . یعنی هر منسک بر اعتقادک خارجی افاده سی و علامتی در . بناء علیه بزمنسکی ، آنجاچ اعتقادی تعریف ایتدکدن صوکرا تعریف ایده بیلیرز . اعتقاد ، حقیقی ویا افتسکاری (مفکوروی) بوتون اشیانک « مقدس » و « لامقدس » دیه تصنیفیه قائمدر . عقیده لر ، اسطورهلر ، نصار و افسانه لر مقدس اشیانک ماهیتنی ، و لامقدس اشیایله متقابل مناسباتی افاده ایدن تصورلر

سیسته میدر . فقط مقدس تعبیرله محقق اللهلر و روحلر کبی برر شخصیت آکلاشلمامیدر . بر قایا ، بر آغاچ ، بر چاقیل طاشی ، بر تحتہ پارچه سی ، بر آو ، حاصلی هر هانکی بر شی ده مقدس اولابیلیر . مقدس اشیانک دائره سی هر زمان ایچون قطعی اولارق معیندر . بودائره دینلره نظرآ تبدیل ایده بیلیر . مقدس اشیا ، لامقدس اشیا به شرف و اقتدار اعتباریله فائقدر . ایکی صنف غیر متجانس و بر برینک تماماً ضدی در . ایکی عالم یالکز یکدیگرندن آیری دکل ، عینی زمانده یکدیگرینک خصمی و رقیبی در . سرری زهدیلکک (یعنی تصوفک) غایه سی انسانده لامقدس عالمه عائدنه وارسه سوکوب آتمقدن عبارتدر . لامقدسک تماماً افناسی ، حیاتک توکنمه سی دیمک اولدینی ایچون دینی اتخار بوندن ایلری کلیر .

۵ — دینی ، داها زیاده وضوحله تعریف ایده بیلیمک ایچون ، اکثریا قاریشدریلان سحر دن تفریق اتمه لیدر . چونکه سحرده اعتقادلردن و منسکلردن مرکبدر . یالکز هر ایکیسی آراسنده تعضی و غایه اعتباریله بویوک فرق وارددر . دینی اعتقاد و منسکلر معشری اولدقلری ، بر تعضی به مربوط بولندقلری ، منحصرآ قدسیتی تقویه ایتک غایه سیله مشترکاً اجرا ایدیلدکلری حالده ؛ سحری اعتقاد و منسکلر بالعکس فریدرلر ، داغنیق و متحولدرلر ، فنی و نفی غایه لر تعقیب ایدرلر . بوسیدن دولایی ده عادتاً دینی منسکلرله تعارض ایدرلر .

بونکله برابر ، مقدس اشیا ، بونلره اضافه ایدیلن اسطورهلر ، اولور روحلری ، الخ .. دین قادر سحرده ده بویوک بر رول اوینامقده در . یعنی آرالرنده صیتی بر رابطه وارددر . شو حالده عجباً سحر دیندن آیری می ، یوقسه اونک عینیمی در ؟ زیرا سحر ، مقدس اشیایی عادتاً لامقدس لشدیریور ؛ و دین ده سحری دائماً نهی ایتیورسه بیله ، خوش ده کورمیور . (هو بهر) و (موس) ک دیدکلری کبی سحر بازک اصوللرنده « غیر دینی » برشی وار .

اصل دینی اعتقادلر معین بر معشری هیئته مخصوصدرلر . بو معشری هیئتک اعضاسی طرفندن فرداً قبول ایدلمش دکلرددر . بلکه زمهریه عائد اولوب اونک وحدتی تأمین ایدرلر . حالبوکه سحری اعتقادلر فردلره مخصوصدر . عادتاً دینی اعتقادلرک فردیله شمسی و انتفاعیله شمه سندن دوغمشدر . سحر مناسبتلری موققدر ؛ سحرک جماعتی و کلیسائی اولاماز .

بورابه قادر سویله دکلیمیزی خلاصه ایتک و عمومی بر تعریف یایمق اوزره دیه بیلیرزکه :

بر دین، مقدس یعنی تفریب و زهری ابدی است. عامراً اولاد، و بونو
 مالتکربینی (امت) جماعت ده نیلوی معنوی بر وحدت داخلنده طویله یارانه اعتقاد
 و اعمالک مشترک بر بسته میبر.

دینله سحر آراسنده بر طرفدن مشابته، دیگر طرفدن مغایرت بولماسی بر چوق مؤلفری
 مشغول ایتدی. بعضلری مشابته مسئله سنه استناد ایتدیله. و سحری مقدم، دینی مؤخر
 برر تشکل عد ایتدیله: فره زهره کوره دینک منشائی سحر در. یعنی او، بصورتله معشری
 دینی فردی دینله (داها دوغروسی سحرله) ایضاح ایتکده در. بومتفکر کرک دینلری،
 کرک دولتلری سحر دن چیقارمغه چالشمقده در. دیگر بر جریان دین ایله سحری یکدیگر ندن تماماً
 مستقل تلقی ایتدی. بونلره کوره دین محافظه کار و سحر احرار قوتک ابتدائی افاده سیدر.
 راهب، جمعیتک محافظه کار قوتک ممثلی؛ سحر باز ایسه، انقلابچی و احرار قوتک رئیسی در.
 کوپو بوقناعی صراحتله افاده ایتمدر. فقط، دورقیم اجتماعیاتک ترقیسی بزه حقیقتک باشقه
 مرکزده اولدینی کوستردی. آ کلاشیلدیکه، دینله سحر بر برینک عینی دکدر. فقط سحر،
 فردیله شه ن بر دیندر؛ و دائماً دینک عمومی قواعدینه، آیین و ارکانه مربوطدر.

تاریخچه

اون دو قوزنجی عصرک ایکنجی نصفندن اعتباراً، اتنوغرافلرک
 تدقیقاتی سایه سننده، بونون انسان جمعیتلرینک اعتقادلری میدانه چیقدی. آنجا،
 بو اعتقادلردن هانکیسنه قدم حتی ویرمک لازمکلیکی، اک ابتدائی اعتقادک وصف
 میزینک نهلر اولماسی ایجاب ایتدیکی، دینک منشأ نک نه اولدینی مسئلهلری کرک
 بومعلوماتی طویلايان اتنوغرافلر، کرک بونلره استناد ایدن مختلف نظریه جیلر
 طرفندن آری آری تفسیر ایدیلدی. دیگر جهتدن، صورت عمومیه ده دینک
 برشأ نیت کبی تلقی ایدلمکه باشلاماسی و مثبت اصوله تدقیق ایدیله سی ده، صایدیغمز
 مسئلهلرک موضوع بحث اولماسندن سوکرا میدانه چیقدی. بناء علیه، بومسئلهلرک
 تاریخچه سنی یا میه جق اولور سه ق، (فرانسز مکتبنک تمثیل ایتدیکی) اجتماعیات
 علمنک دینه ویردیکی اهمیت آ کلاشیلاماز. شو حالده، دینی اجتماعیاتک تشکل
 تاریخنده اوچ مسئله آیرایلیریز:

۱) - دینلرک قدیمی مسئله سی، ۲ - فجور (promiscuité) مسئله سی، ۳) -
 اعتقادلرک منشائی مسئله سی. بونلری صیراسیله تدقیق ایدلم.

۱ - دینلرک قدیمی مسئله سی - مثبت فلسفه دن اول، دینلره - عمومیتله -
 ازلی حقیقتلرک ساحه سی، بشری تفکرک بر شاهقه سی نظریله باقیلمقده ایدی.

ایلك دفعه اوله رق او كوست قونت ، « اوچ حال » قانونيله ، دینی حیاتی بشریتك تكاملنك ایلك مرحله سی عد ایتدی . بوصوله اسکی قناعت برعكس اولمش ؛ دین ، اك مكممل دكل ، بلکه اك ابتدائی برتفكر شكلی تلقی ایدیلشدی .

اصل مسئله ، بین الملل و عقلی دینلرده یوكسك نمونه سنی كوردیكمز تكاملك ایلك قدمه لرینه اینمكده ایدی . بو خصوصده اتنوگرافلرك مساعیسی رهبر اولدی . ایلك مشاهدeler هندستان و آفریقاده باشلادی . بونلرك ، بزم الله و روح حقنده کی تلقیلریمزه هیچ بکزه مهین برطاقم تلقیلره صاحب اولدقلری كورولدی .

داها سوکرا شمالی آمریقانك ابروقلیلری آراسنده یاشایان عالمردن مورغان ، اوللری جمعیتك ایلك نمونه لری اولارق کوستردی . کچن عصرک صوك سنه لرنده « پیغمه » لر و « پاپو » لر ، ابتدائی جمعیت نمونه سی تلقی ایدیلیورلردی . فقط مؤخرتدقیقات نتیجه سنده بوصول ایکی قومك نسبتاً متکامل برانموزجه یوكسلدکن سوکرا تردی ایتمش جمعیتلر اولدیغی آ کلاشیلدی .

یکی بعض اتنوگراف واجتماعیاتجیلر ، بوتردی مسئله سنه اهمیت ویردیلر . تکاملك خارجی احوال و شرائط مداخله سیله انقطاعه اوغرادیغنی کورمکدن زیاده ؛ بالعکس اوللری تردی ایتمش وانقراضه اوغرامش اسکی جمعیتلر کی تصور ایتک فکری ، اجتماعیات علمدارلری ایچون کوزل بر سلاح عد ایدیلدی . بوصوله ، صوك زمانلره قدار ، متکامل عقلمزی و ذهنی ملکه لریمزی بر « موهبه الهیه » ، یاخود اصلاً استحاله و تغیره اوغرامایان ، « اولدیغی کی یاراتیلمش » بر قدرت تلقی ایده نلر ایچون بوایکنجی تمایل چوق مساعد کوروندی . صوك زمانلرده بیله بوتمایلی تعقیب ایده نلر واردی (ایتالیان مؤلفلرندن جهمه للی نك « عائله نك منشائی » اسمنده کی اثری شایان قیددر .)

بونکله برابر ، یکرمنجی عصرک ایلك سنه لرندن بری یاپیلان تدقیقات پیغمه و پاپولردن ماعدا دیکر بوتون ابتدائی قوملرك متردی اولمادقلرینی ، و شیمدی به قدارك ابتدائی ظن اولونان قوملرك بیله اولدقجه یوكسك تشکیلاته (بعضی به) مالک بولوندقلرینی کوستردی . برچوق متخصصلرك آوستراالیاده یابدقلری تدقیقلر نتیجه سنده ، اك ابتدائی جمعیتلرك بوراده اولدیغنی ؛ آمریقاده یاشایان قوملردن (هایدن) و (قوا کیوتل) لرك - اولنره نظراً - داها مترقی نوعلری تشکیل ایتدیکنی ؛ هله اسکیدن اك ابتدائی ظن اولونان ابروقلیلرك اولدقجه یوكسك برنوعه داخل بولوندیغنی اوکرنک .

دینلرک قدمنی آرارکن، ابتدائی تعیننه چالشدق. بونک ایچون اول امرده ، ابتدائیدن نهیی قصد ایتدیگمزی سویله ملی یز. برکله ، اجتماعیات لساننده ، برقیمت حکمی اولان معنوی مادونلفی افاده ایتهدیکی کبی ؛ هر هانکی برتشکل باشلانغجه ، یعنی اجتماعی قوه لرک ضعفنده دلالت ایتز . کربک عضویت ، کربک جمعیتده تکامل ، یالکیز افعوله لرک چوغالنه سی واونلر آراسنده ایش بولومنک دوغماسندن عبارت اولدیغی ایچون ابتدائی کله سنی « اک بسیط » معناسنه آلیورز . اک بسیط جمعیت شکلی « سمیه » اولدیغی کبی ، اک بسیط دین شکلی ده « توتهمیزم » دره . بولکله یی ایلك دفعه اوله رق ۱۷۹۱ده ژ. لونخ اسمنده برهنه دی، لوندره ده طبع ایتدیکی اثرنده ذکر ایدیور. ۱۸۴۱ده غره ی، عینی اعتقادک آوسترالیاده ده بولوندیغی کوستردی . بومؤلف ، اسکی اقوامک تاریخنده کوزولن نبات و حیوان پرستلکه توتهمیزم یکدیگرینه ربط ایتکه چالشدی .

مورغان، توتهمیزمک اوصافی آمریکا قبیله لرنده آرارکن ؛ هوویت ، شتره لوو، سپنسر و جیله نده بونک اک بسیط شکلنک آوسترالیاده اولدیغی کوستردیلر. آمریقان آنولوژی تدقیقات قلمنک بو خصوصده بویوک خدمتی سبقت ایتدی . کچن عصرک ایکنجی نصفنده کافی درجه ده عناصر طوپلانمشدی . بوتون بومعطالری ایلك دفعه ایضاح تشبثنده بولونان (روبرتسون اسمیت) دره . بوذاتک قدیم عربستانده کی قرابت و ازدواج شکلری حقنده کی ایضاحلری ، آرتق بوساحده ده صاینسز نظریه لرک میدانه چیقماسی ایچون بر باشلانغج اولدی .

۲ — فحور مسطرسسی : بوتدقیقات ایلرلرکن ؛ بعضی عالمرده (وهستر مارق ، جون لوبوق و مورغان کبی) عینی زمانده جمعیتک ابتدائی شکلنده برفوزا ، برهرج و مرچ و فحور حالنک موجود اولدیغی ، اعتقادی حیاتک انسانلرک تمایل و انسیاقلرینه حدود قویمقدن اوزاق بولوندیغی ادعا ایدیورلردی .

بومؤلفلرک ابتدائی عائله حقنده یازدقاری اثرلر بوکونکی مشاهدله طبان طبانه ضددر . بونلر ، ناموس و عفت تلقیرینک ، نهیی و ممنوعیتلرک ، قدسیت حسنک ، و قدسینک ، حرامک حلالدن قطعی حدودلرله تفریق ایدیله سی حالنک متکامل جمعیتله مخصوص اولدیغی سویله یورلردی .

حالبوکه ، مؤخر تدقیقات بزه بو ادعالرک دوغرو اولمادیغی کوستردی . عائله مناسباتنه عائد اولان قسمی یتتی اجتماعیاتده کورمک اوزره ، بوراده یالکیز اعتقادلرده موجودیتی ادعا اولونان ابهامدن بحث ایده جکز :

برسمیه داخلنده قدسی ایله لاقدسی نک (حرامله حلالک) حدودلری قطعی اولارق تفریق ایدیلکله برابر ، برسمیه دائما برفرآتری به مربوطدر . وایکی فرآتری آراسنده متقابل ازدواج صنفلری قاعده و نظامه مربوط وایکی فرآتری بر بوتون تشکیل ایدر . بوبوتونک اوطوردیغی محلك تکمیل اشیا ، نباتات و حیواناتی ایکی

فراتری به داخل بولونان سکز ویا اون آلتی سمیه آراسنده تقسیم ایدلمشدر .
 اشیادن برقمسی فلان سمیه نك ، برقمسی فلان سمیه نك تونه ملرینی تشکیل ایدر .
 سمیه به نظراً فوق العاده شدید برقاعده و حساب به ربط ایدلمش اولان (réglementé)
 بواساس ، فراتریدن باقیلاجق اولورسه براعتقاد قاریشیقلمنی صورتنده کوزوکور .
 تنکیم بووضعیتده اگر فراتری به یکانه جزؤ تام واک ابتدائی نظریله باقارسه ق
 فراتری ایچریسنده کی افرادک ازدواج نقطه نظرندن برهرج و مرچ ، حتی بر فجور
 شکلی عرض ابتدیکنه ذاهب اولورز . حالبوکه سمیه به جرؤ تام نظریله باقنجه ،
 اووقت معین بر فراتریده کی فلان سمیه نك ارکک وقادینلریله مقابل فراتریده کی فلان
 سمیه نك قادین وارککتری آراسنده کی ازدواج شکلنک نه قادار قطعی برقاعده به
 ربط ایدلمش اولدیغی آ کلاشیلیر .

اونک ایچون ایلك مشاهدلر ، برنجی انموزج اولارق آلدقلمی قبیله داخلمده
 هرکسک دیله دیکنه اینانمقده سربست اولدیغی ، و فراترینک داخل و خارجنی
 یکدیگرندن تفریق ایتمه به ن برقاریشیقلمنک حاکم بولوندیغی ظن ایتمشدر . آنجاق ،
 اولجه اسملرینی صایدیغمز برقمس اتنوغرافلره ، دورقه یم مکتبنک تدقیقاتی نتیجه سنده
 ابتدائی جمعیتده هرچ و مرچ ، فوضا و فجور حالنک دکل ، بالعکس اک شدتلی
 برنظام ، قاعده و ممنوعیت حدودینک موجود اولدیغی ؛ و جمعیت مفهومنک ، دین
 مفهومنک ممنوعیت ونظام فکرلریله توأم اولدیغی آ کلاشیلیمشدر .

اولجه ، ماهیت بشریه نك اصلا تبدل ایتمه دیکنه و ایلك انسانک ده شیمدیکی قوه لرله
 یارادیلدیغنه اینایلیردی . مثبت تدقیقات ، بونک دوغرو اولمادیغنی کوستردیکی زمان ، بعضی
 اجتماعیاتچیلر تماماً عکسنه قائل اولدیلر . یعنی ایلك جمعیتلرده هنوز انضباط ، قاعده و مؤیدنه نك
 بولونمادیغنی ؛ بونلرک مؤخر تشکلم اولدیغنی ظن ایتمدیلر . ایلك دینلری ، انسانک خصوصی
 افغانه قدار مداخله ایده مه ین مبهم و ضعیف اعتقادلر اولارق تصور ایتمدیلر . ابتدائی عد
 اولونان بعضی قبیلهلرده مقدس اشیانک فردلره نظراً ده کیشمه سنی ، اولجه قورقولان و حرمت
 ایدیلن شینک بالاآخره ینه سنی ، متکامل دینلرک نه ی ویا تحدید ایتمدیکی بر چوق مناسباتک
 تماماً سربست وقاعده سز اولماسنی دلیل اولارق کوستردیلر . فقط ، داها صوکرکی تدقیقات ،
 ابتدائی جمعیتلرده دینک متکامل دینلردن چوق زیاده ، حیاتک تفرعانه مداخله ایتمدیکی میدانه
 قویدی . اوزمان بعض مؤلفلر فجوری ، ابتدائی دینلرک ضروری بر نتیجه سی کی تفسیر ایتمک
 ایسته دیلر . آسترالیا قبیلهلرنده کورولن « پیرورو » آینلرنده ، آنادولو قزلباشلرنده و دیگر
 بعضی ابتدائی قوملرده کی حادثه لری ، بر نوع اشتراکچیلک عد ایتمدیلر . حالبوکه ، دورقه یم
 مکتبنک اک یکی مشاهده لره استناد ایدن تدقیقلمی ، بر پیرورو آیننده مناسبات شکلنک اولجه
 قاعده ایله تمین ایتمش اولدیغنی ؛ و مناسباتک آینه اشتراک ایدن سمیلر آراسنده اولوب ،
 اصلا برسمیه داخلمده اولمادیغنی اثبات ابتدی .

بوصورتله فجورک قبولی دکل ، بلکه فجورک نه ی هر دین کی ابتدائی دینک ده اک اساسلی
 قاعده سی اولدیغی آ کلاشیلدی .